



LESOTHO ELECTRICITY AND WATER AUTHORITY

7th Floor
Moposo House
Kingsway Street
Maseru – Lesotho

Private Bag A315
Tel: (+266) 22312479
Fax: (+266) 22315094
E-mail:
secretary@lewa.org.ls

Phatlalatso
25 'Mesa, 2014

QETO EA LEKHOTLA LA TAOLO EA MOTLAKASE LE METSI LESOTHO (LEWA) HOLIM'A
KOPO EA K'HAMPHANI EA METSI LE LIKHOERE-KHOERE (WASCO) EA HO NYOLLA
LITHEKO TSA METSI LE LIKHOEREKHOERE SELEMONG SA 2014/15

Ka la 03 Tlhakola, 2014 K'hamphani ea Metsi le Likhoere-khoere (WASCO) e ile ea etsa kopo ho Lekhotla la Taolo ea Motlakase le Metsi Lesotho (LEWA) hore selemong sa 2014/15 litheko tsa metsi le likhoerekhoere li nyolloe ka linoko tse 35 lekholong (35%), mafapheng 'ohle a basebelisi ba metsi le likhoerekhoere, ekasitana le hore tefiso tsa khoeli le khoeli (standing charges) li nyolloe ka linoko tse 6.2 lekholong (6.2%).

WASCO e boletse hore e etsa sena e ipapitse le hore e se e le K'hamphani 'me e na le boikarabello ba ho fana ka litšebeletso sechabeng, ka hoo ho bohlokoa hore e be le chelete e lekaneng ea ho etsa mosebetsi oa eona. K'hamphani e ile ea eketsa ka hore, likhakanyo tsa selemo sa 2014/15 tsa eona, li entsoe ho ipapisitse feela le sekhahla sa theko ea thepa le lisebelisuo sa linoko tse 6.2 lekholong (6.2%). Ho feta mona WASCO e itse a mang a mabaka a susumetsang kopo ea eona ke litheko tsa motlakase le matsoai a hloekisang metsi, litšenyehelo holim'a basebeleletsi le tlhoko ea ho nchafatsa marang-rang a seng a tsofetse.

Lekhotla le ile la hlahloba kopo ea WASCO le ipapisitse le lintlha tsa tsamaiso le tsa tšebetso 'me la lemoha hore ho na le likhaello le lintlha tse sa hlakang kahar'a eona. Lekhotla le ile la tsebisa K'hamphani ka lintlha tsena ka la 21 Hlakola 2014. WASCO e ile ea romela litlhakiso ho LEWA ka la 14 Tlhakubele, 2014.

Lekhotla le ile la nonya sechaba maikutlo ka kopo ea WASCO, 'me la etsa litsebiso li-ea-le-moeeng le likoranteng ekasitana le ho tšoara likopano le sona sechaba ho tšohla kopo ena. Likopanong tseo, WASCO, basebelisi ba motlakase le baemeli ba Mokhatlo oa Tšireletso ea Baji, Komisi ea Kereke e K'hatholike ea Toka le Khotso, Feme ea Thitelo ea Mothamahane le Linomapholi, Mokhatlo oa Bahoebi oa Lesotho le sechaba ba ile ba hlahisa maikutlo a bona kapel'a Komiti ea Litheko tsa Metsi ea Lekhotla.

Maikutlo a lihlopha tse kaholimo ebile hore WASCO e tsoanela ho ntlafatsa litšebeletso tsa eona lintlheng tsa ho fana ka phepelo ea metsi ka linako tsohle, ho anetsa phumantšo ea litšebeletso tsa metsi le likhoekhoere le metsi a bolokehileng, phokotso ea lichelete tsa khokelo ea metsi le likhoerekhoere le ho fokotsa litsenyehelo tsa K'hamphani. Ho feta mona ba itse WASCO e hloka ho phalleloa ke 'Musso mathateng a eona.

Kamor'a ho ithuta kopo ka botebo, maikutlo a sechaba, mabaka, linnete le bopaki bo tekiloeng kapel'a eona, Boto ea Lekhotla phuthehong ea eona e bileng kajeno Labohlano la la 25 'Mesa, 2014 e entse qeto holim'a kopo ea WASCO. Qeto ea Lekhotla ke hore WASCO e lumelloe ka chelete e M172.73 millione ho fana ka litšebeletso tsa metsi. Chelete ena e katlaase ho e M181.1 millione e neng e kopiloe ke WASCO. WASCO e tla boela e sebelise M29.36 millione ho fana ka litšebeletso tsa likhoere-khoere. Chelete ena e katlaase ho e M34.39 millione e neng e kopiloe ke WASCO. Ka chelete ena kaofela WASCO e tla:

- Phethahatsa mosebetsi oa eona oa ho fepela sechaba metsi a hloekileng hammoho le ho tsamaisa le ho qhala likhoerekhoere;
- Lokisa thepa ea eona moo e seng e tsofetse;
- Patala e meng ea mekoloto ea eona; le ho
- Fokotsa litsenyehelo tsa letsatsi le letsatsi tsa tsamaiso ea K'hamphani le tsa metsi a lahlehang ho ea ho linoko tse 26 lekholong (26%).

Ka kakaretso litheko tse ncha tsa metsi le likhoerekhoere li tla ba ka tsela e latelang ho mekhahlelo e fapaneng ea basebelisi:

A. Keketseho e kholo ea linoko lithekoeng tsa metsi

1. Bakeng sa basebelisi ba metsi malapeng keketso e tla ba:

- Linoko tse 7.4 lekholong (7.4%) bakeng sa malapa a sebelisang metsi a sa feteng lilithara tse 5,000, - e leng mokhahlelo oa Band A;
- Linoko tse 12.03 lekholong (12.03%) bakeng sa malapa a sebelisang metsi a lilithara tse lipakeng tsa tse 5,000 le tse 10,000,- e leng mokhahlelo oa Band B ;
- Linoko tse 13.75 lekholong (13.75%) bakeng sa malapa a sebelisang metsi a lilithara tse lipakeng tsa tse 10,000 le tse 15,000, - e leng mokhahlelo oa Band C;
- Linoko tse 16.50 lekholong (16.50%) bakeng sa malapa a sebelisang metsi a lilithara tse kaholimo ho tse 15,000 -e leng mokhahlelo oa Band D.

2. Litheko tsa basebelisi ba bang e leng litsi tse kang 'Muso, likolo, likereke le likhoebo joalo-joalo, li tla nyoloha ka linoko tse 16.50 lekholong (16.50%).

B. Litheko tsa lilithara tse 1,000 tsa metsi lipompong tsa sechaba e se e tla ba M5.66 ho tloha ho M4.86.

Sechaba se hlokomele hore bakeng sa mokhahlelo oa Band A lilithara tse 1,000 tsa metsi e se tla ba M26.11 papisong le lipompong tsa sechaba (standpipes) moo teng e tla ba M5.66.

C. LITHEKO TSA LITŠEBELETSO TSA LIKHOEREKHOERE

Mokhahlelong ona litheko li tla nyoloha ka linoko tse 6.2 lekholong (6.2%) basebelising kaofela.

Litheko tse ncha tsa litšebeletso tsa metsi li hlaha ka botlalo lebokosaneng le qhoalletsoeng katlaase mona.

Litheko tse ncha li tla kena tšebetsong ka la 01 Motšeanong, 2014.

Phetho.

Lebokosana 1: Litefiso tsa Metsi tsa 2014/15

LITHEKO TSA (2014/15)			LITHEKO TSA 2013/14		Phetoho e kholo ea linoko lekholong (%)
Mekhahlelo ea Basebelisi ba metsi	Litefiso tsa tšebeliso ea metsi (M/kl)	Litefiso tsa Khoeli le khoeli (M/khoeli)	Litefiso tsa tšebeliso ea metsi (M/kl)	Litefiso tsa Khoeli le khoeli (M/khoeli)	
Basebelisi ba malapeng					
Band A (0 - 5kl)	4.18	21.93	3.59	21.93	7.40%
Band B (>5 - 10kl)	7.07	38.95	6.07	36.68	12.03%
Band C (>10 - 15kl)	12.43	38.95	10.67	36.68	13.75%
Band D (>15kl)	17.14	38.95	14.71	36.68	16.50%
Basebelisi ba bang					
Basebelisi ba bang ntle le 'Muso , likolo le likereke	11.31	259.37	9.71	244.23	16.50%
'Muso	11.31	374.64	9.71	352.77	16.50%
Likolo	11.22	259.37	9.63	244.23	16.50%
Likereke	11.22	187.33	9.63	176.39	16.50%

Phatlalatso ka : **Lesotho Electricity and Water Authority**
Private Bag A315
7th Floor Moposo House
Kingsway Street
Maseru

Tel: 22 312 479
Fax: 22 315 094
E-mail : secretary@lewa.org.ls